





按太平廣記載嶺表  
錦異記云風人嶺多楓  
樹老則有瘤癭忽一  
夜遇暴雨驟雨則暗  
長三數尺南中謂之楓  
人越巫云取之雕刻神  
鬼則易致靈驗然則  
作雷黑似較新与上  
白天黃正相稱也嶺表  
錄異亦載可以正周  
氏說之誤信白詩本  
注曰夜黑雲雨似亦

浩然齋雅談卷中

宋

周

密

撰

白傅詩天黃生颺母雨黑長楓人

案此白居易送客遊嶺南詩原本誤作太

白詩雨字誤作雷今校正

注云颺母如斷虹有大風即見楓人因夜

黑雲雨暗長數丈比見李仲賓云往年在東平舟夜行  
殘夜微月擁篷眺望忽有黑雲起天角漸成巨人其長  
數十丈掉臂闊步行水上掠舟而西一舟皆驚麤羣起  
視之其去如飛得非所謂楓人耶

對偶之佳者曰數點雨聲風約住一枝花影月移來柳



當作雷雨又數丈乃  
數尺之訛

沈氏齋牙詩

卷中

一 項家達校

搖臺榭東風軟花壓欄杆春晝長天下三分明月夜揚  
州十里小紅樓梨園子弟白髮新江州司馬青衫濕數  
聯皆天衣無縫妙合自然

昌黎之貶山陽遇順宗即位赦以伾文之黨尚熾不得  
放還其寄三學士詩云前日遇恩赦私心喜還憂果然  
又羈縻不得供鉏耰又憶昨行云伾文未揃匡州熾雖  
得赦宥常愁猜近者三姦悉破碎羽窟無底幽黃能眼  
中了了見鄉國知歸有日眉方開其情亦可憐矣大抵  
小人專政安肯以恩赦放逐客懼恩不及已故也

岑嘉州赤驃馬歌云平明剪出三髮高樂天亦云馬鬣  
翦三花所謂三花者蓋唐御馬多翦髮為三瓣李伯時  
常畫三髮馬圖余少日觀御馬有翦作山水人物花鳥  
之像甚精一時所尚如此蓋不止翦三髮也

孟郊云難將寸草心報答三春暉案孟郊遊子吟誰言寸草心報得三春暉

蓋傳本有異此語關綱常非唐詩人語也至東坡詩云微生

真草木無處謝天力慈顏如春風不見桃李實古今抱  
此恨有志俯仰失其言尤悲東萊于蓼莪章云我蒿不  
能報天地之生育猶人子不能報父母之劬勞皆祖郊

告大齋佳炎

卷一

二



之意也

少陵嘗果栗歛開歛或作籬周繇賦云開栗弋之紫歛

貫休詩云新蟬避栗歛又云栗不知歛落按集韻歛側

尤切草紋蹙也即栗篷耳案廣韻歛初紀切音刺齧也無側尤切平聲攷貫休集作

栗皺注栗篷也集韻留九切縐平聲革紋蹙也字从皮

不從欠據此則歛當作皺草紋亦當是革紋之誤又案

貫休詩以栗皺對菱縠固當作皺杜詩本作栗園以

對樵徑則又不必改作栗皺矣今就原文訂證之

杜詩喜用懸字然皆絕奇如江鳴夜雨懸侵籬澗水懸

山猿樹樹懸空林暮景懸當空淚臉懸獼猴疊疊懸疎

籬野蔓懸複道重樓錦繡懸

白傅詩云曾家機上聞投杼尹氏園中見撥蜂但以恩

情生罅隙何人不解作江充小坡思子臺賦云彼楊公

之愛修兮豈減吾之蒼舒皆深中人情

李商隱詩云咸陽宮殿鬱嵯峨六國樓臺艷綺羅自是

當年秦帝醉不關天地有山河末句殊不可曉南昌裘

聞詩以為秦帝合作天帝天地合作秦地事在張平子

西京賦曰昔者大帝悅穆公而覲之饗以鈞天廣樂帝

有醉焉乃為金策錫用此土而翦諸鶉首是時也並為

強國者有六然而四海同宅西秦豈不詭哉李善注昔

按貫休詩是栗不是歛落又攷東觀書有栗駭蓬飛之語蓬當作蓬原按貫休集作栗皺寫者筆誤又作歛當改正蔡夢弼云栗皺當為栗殼此又一說也



穆公嘗如此七日而寤志林曰天帝醉秦暴金誤隕石  
墜列仙贊云秦穆受金策祚世之業史載秦地雨金三  
日金誤隕其是耶嗚呼天帝果有時而醉乎

李商隱晉元帝廟云青山遺廟與僧鄰斷鏃殘碑鎖暗  
塵紫蓋適符江左運翠華空憶洛中春夜臺無月照珠  
戶秋殿有風開玉宸弓劔神靈定何處年年春綠上麒麟

麟

案此詩李商隱集不載未詳所據何本疑姓名有誤

東坡詩喜用竭來字竭來東觀棄丹墨長陵竭來見大  
姊竭來城下作飛石竭來畦東走畦西竭來從我遊竭

來齊安野竭來清潁上竭來廉泉上其用字蓋出于顏  
延年秋胡詩竭來空復辭所用之意同耳

坡翁嘗作女髑髏贊云黃沙枯髑髏本是桃李面而今  
不忍看當時恨不見業風相鼓轉巧色美倩盼無師無  
眼禪著便成一片其後徑山大慧師宗杲亦作半面女  
髑髏贊云十分春色誰人不愛視此三分可以爲戒甫  
成四句忽若有續之者云玉樓清夜未眠時留得香雲  
半邊在吳君特嘗戲賦思佳客詞云釵燕攏雲睡起時  
隔牆折得杏花枝青春半面妝如畫細雨三更花欲飛



情輕愛別舊相知斷腸青冢幾斜暉亂紅一任風吹起  
結習空時不點衣

此別體

案此詞未載詞譜後半闕當以三字二句換頭乃作七字一句或宋人有

東坡謂晨飲為澆書李黃門謂午睡為攤飯放翁拾以  
為句云澆書滿挹浮蛆攤飯橫眠夢蝶牀

陸放翁有心太平菴詩云天下本無事庸人擾之耳胸  
中故湛然忿欲定誰使又云少年妄起功名念豈信身  
閒心太平樂天有云閒傾三數酌醉吟十餘聲便是羲  
皇代先從心太平蓋出黃庭經云觀志流神寄奇靈閒

暇無事修太平又外景經云觀志遊神三奇靈行閒無  
事心太平又樂天云此身不欲全強健強健多生人我  
心又云自學坐禪休服藥從他日復病沈沈于良史云  
僻居人事少多病道心生此存楚以為外懼之意

放翁在朝日嘗與館閣諸人會飲于張功父南湖園酒  
酣主人出小姬新桃者歌自製曲以侑尊以手中團扇  
求詩于翁翁書一絕云寒食清明數日中西園春事又  
怒怒梅花自避新桃李不為高樓一笛風蓋戲寓小姬  
名于句中以為一笑當路有恚之者遽指以為所譏竟



以此去

放翁有南酒應憐未歸客及更就高僧學白羹蓋嘉州用南中法釀酒及僧用糝加菜不施鹽酪故名白羹

放翁詩云故人自作宣明面老子曾聞正始音宋劉瑀與顏竣書云朱修之五代叛者一朝居青油幕下作謝宣明面向人謝鯤重衛玠言論彌日王敦謂鯤曰微言之緒絕而復續不意永嘉之末復聞正始之音正始乃魏齊王芳年號宣明謝晦字也

俗以油餠綴糝作餌名之曰蓼花取其形似也放翁詩

云新蝶餉枝綴紅糝餉枝二字甚新

放翁詩多用新語如厚味無人設佞湯微芬時自注廉香自注以松子胡桃蜜作湯謂之佞湯以炭末乳香蜜作濕香謂之廉香

放翁詠長安富庶有云紅桑琵琶金鏤花百六十絃彈法曲蓋四十面琵琶也

涪翁詩云一錢不直程衛尉萬事稱好司馬公白髮永無懷橘日三年惆悵荔枝紅張巨山詩云故園墳樹想青葱寒食風光淚眼中自痛不如僮父子紙錢猶掛樹



頭風予以永感之人久離墳墓每讀爲之潛然  
涪翁云百葉緗梅觸撥人又云推牀破面振觸人樂天  
榴花詩撐撥詩人興陸天隨蠹化日或振觸之軌奮角  
而怒朝野僉載楊廷玉回波詞阿姑婆見作天子旁人  
不得振觸

山谷詠鷓鴣詩云終日憂兄行不得鷓鴣應是鼻亭公  
象嘗封于鼻亭柳子厚有鼻亭神記或謂山谷在永所  
作永州道接鼻亭故云非也

半山云退之善爲銘如王適張徹尤奇余亦謂董府君

及貞曜二銘尤妙董云物以久弊或以輾毀攷致要歸  
孰有彼此由我者吾不我者天斯而以然其誰使然貞  
曜云於戲貞曜維出不訾維持不猗維卒不施以昌于  
詩坡翁嘗舉此問王定國云當昌其身耶昌其詩也王  
來詩不契所問乃作詩答之曰昌身如飽腹飽盡還復  
饑昌詩如膏面爲人作容姿不如昌其氣鬱鬱老不衰  
雖云老不衰劫壞安所之不如昌其志志一氣自隨養  
之塞天地孟軻不吾欺

案韓愈集董府君銘原本董  
訛蕭物訛或今據本集改正

半山詩云謀臣本自繫安危賤妾何能作禍基但願君



王誅宰詔不愁宮裏有西施李泰伯詩云若教管仲身  
長在宮內何妨有六人在管仲時桓公之心未蠹也若  
已蠹雖管仲奈何未有心蠹尚能用管仲之理張文定  
遊華清宮云當初不是不窮奢民樂昇平不怨嗟姚宋  
未亡妃子在胡塵那得到中華亦此意也

王荆公書堂詩烏石岡頭上塚歸柘岡西畔下書帷辛

夷花發白如雪萬國春風慶歷時皆有可觀者案此句皆字無

著疑此詩前尚有  
一詩傳寫佚脫

姜堯章雪中訪范至能于石湖詩云雪研如玉城偏師

敢輕犯黃蘆陣野鷺我自將十萬三戰渠未降北面石  
湖范先生霸越手定自一笑粲至能酬之云鵝鷺聲暗  
雪臆豪直前不憚夜行勞更能褰韃尊裴度古人知  
李愬高前輩稱弊後進不以名位自高交相尊讓亦可  
見一時士大夫風俗之美也

昔鮑永過更始之墓欲下車致禮從事止之以爲不可  
曰吾嘗北面事之安可乘車而過吾寧獲罪于司隸遂  
下車慟哭而去光武聞之曰可謂忠臣矣王仁裕過關  
中望春明門乃蜀後主被誅之地乃作詩哭之曰九天

臆當作意考石湖集  
酬堯章是詩次韻云  
玉龍陣長空自斗比忽  
先犯鱗甲塞天飛戰  
逐三百萬當時彷彿  
舟卻仿一寒范新詩  
如美人蓬華愧三  
案此絕句疑誦史之  
作語甚不類



冥漠信沈沈重過春明淚滿襟齊女叫時魂已斷杜鵑啼處血尤深霸圖傾覆人全去寒骨飄零草亂侵何事不如陳叔寶朱門流水自相臨徐鉉歸朝後乞為故主

李煜作墓碑朝廷從之

案翟耆年籀史太平興國中詔侍臣撰李煜神道碑有欲中傷

徐鉉者奏曰吳王事莫若徐鉉為詳遂詔鉉撰鉉乞存故主之義云云非鉉乞撰此所記殊誤謹附訂于此

其辭有云盛德百世善繼者所以主其事聖人無外善守者不能固其存西鄰起釁南箕搆禍投杼致慈親之惑乞火無鄰婦之辭又曰孔明罕應變之略不成近功偃王躬仁義之行終于亡國又作詩挽之云歎忽千齡

盡冥茫萬事空青松洛陽陌荒草建康宮道德遺文在興衰自古同受恩無補報反袂泣途窮土德承餘烈江南廣舊恩一朝人事廢千古信書存哀挽周原道銘旌鄭國門此生雖未死寂寞已消魂

道山新聞云李後主宮嬪宵娘纖麗善舞後主作金蓮高六尺飾以寶物組帶纓絡蓮中作五色瑞雲令宵娘以帛繞腳令纖小屈上作新月狀素襪舞雲中曲有凌雲之態唐鎬詩曰蓮中花更好雲裏月長新是人皆效之以弓織為妙蓋亦有所自也又有金蓮步詩云金陵



佳麗不虛傳浦浦荷花水上仙未會與民同樂意卻于  
宮裏看金蓮

開元中賜邊軍纈衣製于宮中有兵于袍中得詩云沙  
場征戰客寒苦若爲眠戰袍經手作知落阿誰邊蓄意  
多添線含情更著綿今生已過也重結後生緣兵士以  
詩呈帥帥進呈立宗徧示宮中曰作者勿隱不汝罪有  
一宮人自言萬死上深憫之遂以嫁得詩者謂曰吾與  
汝結今生緣邊人感泣又僖宗時自內中出袍千領賜  
塞外吏士有馬真者于袍中得金鎖一枚詩一首云玉

燭製袍夜金刀呵手裁鎖寄千里客鎖心終不開真就  
市貨爲人所告主將奏聞僖宗令赴闕以宮人妻之其  
後僖宗幸蜀真晝夜不解衣捍禦此事凡有兩出處未  
知孰是

姚鏞字希聲號雪篷紹定間以忤陳子華謫之衡陽嘗  
有一聯云癡雲蔽嶽行人遠淫雨摧花白髮生戴復古  
由閩度嶺訪之有云一官不幸有奇禍萬事但求無愧  
心姚謝之云萬里尋遷客三年見此人蕭大山亦寄詩  
云得謗何須囊薏苡工騷且自製芙蓉剡僧淵萬壑云



故里田園拋弟妹異鄉燈火對妻兒十年漂泊孤篷雪  
誰補梅花入楚辭至端平丁酉甫得自便有詩云天恩  
下釋湘纍客心事悠悠月一船種藥已收思病日著書  
不就負殘年雜花怪石分人去老竹荒亭入畫傳歸夢  
鑑湖三百里白鷗相候亦欣然故剡僧皓鐵山以詩迎  
之云楚鴈傳歸信吳鷗候過船

三衢常山旅邸壁間有詩云茶蘼香夢怯春寒永晝垂  
簾燕子閒敲斷玉釵銀燭冷計程應已過恒山又南國  
傷讒緣惹苴西園議價指葡萄惟餘白髮存公道近日

豪家染髻毛又有約未歸鬢結局小軒空度牡丹春夜  
來揀盡鴛鴦鴈留織征衫寄遠人

衢人徐子勉假館浙西主人調官都城與之偕主人買  
妾以歸舟中置酒奏伎歌闌酒罷深夜就寢徐夢一士  
云君輩方盡歡而鬼趣有苦饑者獨不能以餘瀝見及  
乎因哦詩一章徐驚寤忘之已而復夢如初乃盡憶其  
語云鬼嘯猩吟沸箏笛碎板玉盤珠亂擲二八佳人舞  
倦時蝶困東風斂雙翼

張樞斗南其出處已畧載詞話踐敷朱華爲宣詞令閤



門簿書詳知朝儀典故其姑縉雲夫人承恩穆陵因得  
出入九禁備見一時宮中燕幸之事嘗賦宮詞七十首  
盡載當時盛際非其他想像而爲者今撫其十于此堯  
殿融春大宴開山呼纔了樂聲催侍臣宣勸君恩重宰  
相親王對舉盃觀堂鐘響待催班步入朱廊十二間宣  
坐賜茶開講席花磚咫尺對天顏月籠梅影夜深時白  
玉排簫索獨吹傳得官家暗宣賜黃金約臂翠花枝翠  
枝斜插滴金花特髻低蟠貼水荷應奉人多宣喚少海  
棠花下看飛梭笙歌散後歸深院花柳陰中過曲廊靜

掩金鋪三十六黃昏處處蕪衙香燦錦堂西過夕陽水  
風吹起芰荷香內監催掃池邊地準備官家納晚涼晚  
涼開燕近中秋香染金風倚桂樓花月新篇初唱徹內  
人傳旨索歌頭

原註

穆陵

銀簧乍罷參差竹玉軸新調

尺台絃奏罷六么花十八水晶簾底賜金錢迴廊隔樹

簾簾捲曲水穿橋路路通禁漏滴斜花外日御香薰暖  
柳邊風紫閣深嚴邃殿西書林飛白揭宸奎黃封繳進  
昇平奏直筆夫人看內批

黃文雷字希聲永嘉人希聲有看雲詩不行于世其賦



昭君行特為一時名公所稱道其辭云君不見未央殿  
 前羅九賓漢皇南面呼韓臣無人作歌繼大雅至今遺  
 恨悲昭君丙殿春閒鬪馮傅掖庭新花隔煙霧票姚枉  
 奪燕支山玉顏竟上氈車去人生流落那得知不應畫  
 史嫌蛾眉癡心又共琵琶語歸夢豈隨鴻鴈飛穹廬隨  
 分薄梳洗世間禍福還相倚上流厭人知奈何後來燕  
 啄皇孫死野狐落中高臺傾宮人斜邊曲池平千秋萬  
 歲只如此誰似青塚年年青按竟寧元年呼韓邪既婿  
 漢氏其年五月宮車晏駕故云

康與之伯可詩云越王山下千樹梅逐客年年走馬來  
 寒玉滿枝風色裏不受暖靄輕煙催故人千里復萬里  
 折香欲寄生徘徊孤吟獨醉常夜半山月野風騎馬回  
 余家有與之手書古詩一卷自號八本辭語亦騷雅往  
 往反為樂府所掩也劉克莊潛夫嘗賦梅花百詠其間  
 有云春風謬掌花權柄卻忌孤高不主張當國者以為  
 譏己遂以煩言去國其後又作訪梅詩云夢得因桃數  
 左遷長源為柳忤當權幸然不識桃并柳卻被梅花累  
 十年原註鄴侯咏柳云青青東門柳歲晏必憔悴楊  
 國忠以為譏己明皇曰咏李者當為譏朕乎又



嘗通朝行啓云實則咏桃乃曰含譏于燕麥偶然題檜  
 遂云寓意于蟄龍東坡梅詩云憑仗幽人收艾納國香  
 和雨入莓苔艾納梅枝上苔也梅至花過則苔極香取  
 少許細嚼之苦而後甘如食橄欖坡意蓋在此也吳興  
 張沄聲父有苔梅詩云老龍全身著艾納不耐久蟄潛  
 拏空爪頭撥動陽春信香在霜痕雪點中然苔亦多不  
 同陽羨石庭者如松花越中項里者如綠髮余嘗有句  
 云山林綠髮秦宮女風雨青萍禹廟梁或以爲可林靖  
 之共甫吳興前輩能詩不凡賦梅云與月淡交連影瘦

于春無競著花疎細雨斂塵棲萼潤輕雲度谷壓香低

慶元丙辰冬姜堯章與俞商卿銛朴翁

案癸辛襍識葛天民字無懷後

爲僧名義銛號朴翁此云銛朴翁疑當時取其僧名下一字稱之

張平甫自封禹同載

詣梁谿道吳淞旣歸各得詩詞若干解鈔爲一卷命之

曰載雪錄其自敘云予自武康與商卿朴翁同載至南

谿道出茗雪吳淞天寒野迴仰見鴈鶩飛下玉鑑中詩

興橫發嘲吟諷造次出語便工而朴翁尤敏不可敵

未浹日得七十餘解復有伽語小詞隨事一笑大要三

人鼎立朴翁似曹孟德據詩社出奇無窮商卿似江東

按本書前即有此例  
 如以覺範之流無可  
 毀者



多奇秀英妙之士獨予椎魯不武雖自謂漢家子孫然不敢與二豪抗也且云此編向見之雪林李和父後歸之僧顛蒙乃朴翁手書也古律絕句贊頌偈聯句詞曲紀夢凡一百五十三多集中所無者蕭介父題云亂雲連野水連空只有沙鷗共數公想得句成天亦喜雪花迎權入吳中孫季蕃云詩字崢嶸照眼開人隨塵劫挽難回清茗載雪流寒碧老我扁舟獨自來

余家向有小廡在杭之曲阜橋每夕五鼓間早朝傳呼之聲雖大雨風雪中亦然于是慨歎虛名之役人也如

此既而于壁間得一絕云霜拂金鞏玉墜腰鄰雞催喚紫宸朝爭如林下飽清夢殘月半隱松影搖頗得予心之同因以類得數篇併書于此樂天寄陳山人云待漏五門外候對三殿裏髭鬚凍生冰衣裳冷如水忽思仙遊客暗謝陳居士暖覆褐衣眠日高應未起又詩云重裘暖帽寬氈履小閣低窓深地爐身穩心安眠未起西京朝士得知無軟綾腰褥薄綿被涼冷秋天穩暖身一覺曉眠殊有味無因說與早朝人又云雞鳴一覺睡不博早朝人諺云骨邊肉五更睡雖不多最有味正此意



也坡翁寄傲軒詩云牀頭車馬道殘月掛疎木朝客紛  
擾時先生睡方熟范至能冬至晚起云新衣兒女鬧燈  
前夢裏莊周正栩栩騎馬十年聽曉鼓人生元有日高  
眠近世翁定遠新其說云遲明騎馬謁朱門安得梅花  
入夢魂慚愧高人眠正熟一生知不受人恩周端臣題  
東庵云一庵自隱古城邊不是山林不市廛落月滿牕  
霜滿屋臥聽宰相去朝天

嚴中和號月澗近世詩人間多佳句旣無行卷因摘一  
二于此云山中道人不裹巾一片石牀生綠鱗昨夜瓦

瓶冰凍破梅花無水自精神又梅天雨氣入簾櫳衣潤  
頻添柏火烘四月江南無矮樹人家都在綠陰中又一  
聲杜宇三更後向曉綠陰連碧苔卻恨樓高春數尺柳  
綿飛不上牕來又樹影踏不碎花香嗅卻無寺老柳遮  
塔雨多春礙船澗水活不凍山楓老自靈畫扇題詩鸞  
背濕銅彝煎腦鴨心香皆佳句也

馮去辯可訥之遊京口也岳肅之持饜節在焉相得甚  
懽岳號倦翁嘗自敘云司馬長卿故倦遊注謂厭宦遊  
也是時長卿方以士客臨邛令所固未嘗宦焉知倦耶



如予所謂倦者乃真知之嘗賦二詩有云片雲出岫猶知倦流水吟湘肯伴牢又云尚有奏篇煩狗監肯辭馳傳爲駝臣可訥次韻云饑事十年當結局襟期千古與同牢又云琴心自誤誰料理犢鼻雖貧未主臣肅之爲之擊節不已題其末云此小馮君讀珂之文也

趙良淳字景程號常軒饒之餘千人忠定丞相之曾孫咸淳甲戌長江失守凡內郡悉除授宗姓公守誓明年城失守公以片紙書付其子曰寧爲趙氏鬼不作他國臣行年五十有三守土而死節尚復奚憾諸子幸而生

者勉旃忠孝書訖付其子友伯遂閉閣投繯而死時乙亥除夕也陳體仁尚書作詩三章哀之曰日慘天無色城危歲迫除孤忠元自許一死不知餘束衽全遺體呼兒授訣書登陴才信宿腸斷正愁予忠定扶神鼎安邦不顧身曾孫能致命屬籍豈無人歸骨番江上招魂霄水濱死生均此念老病泣遺民慷慨君疇國奔逃我喪家陸沈同一壑淵涉渺無涯祈死惟嫌晚餘生只自嗟蒿萊連雉堞落日噪棲鴉

陳謬越人嘗遊廬山于窮谷中遇一人髻而跣坐大盤



石微作吟哦聲陳異而問焉鬢瞠目不答驚逝去陳益異之至明因寺爲僧道所見僧曰此興國趙知軍也爲郡有異政民德之兵火後棄家入山寺中日以少米給之指穹林絕巘間曰此其所居也陳策杖披荆訪之鬢知有人至已逸去矣獨葺屋一間不蔽風雨土木瓦器地爐竹几而已間有破石硯短紙數十幅取視之則詩也或一聯二聯無成章者陳僅記其數語云戰血肥春草妖魂附野狐又風吹沙草落日黃鴉啄髑髏飛不起蓋有道者云

趙南仲丞相入汴日嘗經宿境見奇石不忍舍其後治圃溧水第因語曩事時趙邦永在傍退卽負之而來儼然昔所見也蓋當時意公所喜卽令人舁置轉江而歸焉公猶憶其左跗闕如視之果然適一匠睨而謳嘆曰異哉當年所失某適得之取而昭合渾然天成公異其事而銘之云昔我于役在宿之野煙磊塵柯應接不暇維州所宅挺立翹楚旣賞而稱欲去而佇今我來居于溧之北孰爲而至不謀而得河浙相望邈風馬牛一念所到造化與疇工胡運斤夷于左股迫而視之闕如其



故人力攸及理無復全疇昔啓之匠亦有言執藝函山  
留余可績匪尺而量匪管而測乃命之前乃挈之聯如  
磁引鐵如鸞膠弦於戲棄而取之石無所欣戚也斷而  
續之石無所損益也物各付物天契其天我銘此石莫  
非自然此馮可遷之文也余嘗誌其事于墊語而闕此  
文今詳書之

宋廖瑩中羣玉以賈相入幕之賓例行推賞外別賜上  
金百兩廖以之鑄盤匜爲飲器楊平舟棟爲作古篆銘  
于器云皇帝御極之三十七年國有大功一相禹旡曰

余瑩中與隨旆旃余蹙手扶余後手牽曰公何之敵脅  
是穿奇勝草坪受降馬前公一何勇敢一何恐余汜濟  
黃公飯余共挽漢倒江盡洗羶漚旣清夷矣公歸余從  
內金惟精上賞惟重文昌孫子是寶是用誰其銘之史  
臣楊棟

開禧中有苗氏女本宦族也失身爲妾于某朝士臨行  
作詩別其母云桃花飛盡馬塍春此日辭家淚滿巾豈  
是比鄰無嫁處千山萬水逐行人朝士者知之遂厚給  
資以嫁焉



葛嶺故相賈似道園池留題者甚衆獨吳人湯益字損之一詩膾炙人口云檀板歌殘陌上花過牆荆棘刺簷牙指揮已失鐵如意賜與寧存玉辟邪廢館晝飛無主燕荒池春吹在官蛙木綿庵下猶愁絕月黑夜深聞鬼車

張良臣字武子近世詩人有雪牕集有子時嘗從張公父至象臺其女兒卽徐元杰仁伯之母也亦能詩嘗有絕句云羅幕金泥窳地垂夜香燒盡二更時不知簾外溶溶月上到梅花第幾枝正自不凡

呂紫微明妃出人生在相台不論胡與秦但取眼前好莫言長苦辛君看輕薄兒何殊胡地人其意固佳然不脫王半山人生失意無南北之窠臼也

林曾字伯元號梅嶼永嘉人詩極佳如汴河云一千八百隋家路兩岸青青入帝都可惜翠華南渡後舊時楊柳一株無

俞桂英號野雲苦吟一生異時賈師憲嘗稱其一點梅香到三分酒力消母念子行遠兒云爺未歸白雲一樹鶴孤宿明月滿樓鐘鼓聲百無一事身爲客十有九分



心在家之句然野雲自有人影詩爲人所稱云身外復  
添汝無言隨去留自從生便有直到死方休步月常相  
逐臨溪元不流靜中明道眼總是一虛浮

道士褚伯秀清苦自守嘗集註莊老列三子天師以學  
修撰命之不就作貧女吟二首謝之曰夜績晨炊貧自  
由強教塗抹只堪羞閉門靜看花開落過卻春風不識  
愁寂寞蓬牕鎖冷雲地爐紉補自陽春千金莫誤朱門  
聘不是穿珠插翠人

候館牆壁所書多有可紀者予嘗錄數處矣今復得池  
貴陽池驛壁間語云昨者雨今日晴前月小後月大君  
欲問百年百年如此過孰爲辱孰爲榮何者福何者禍  
山中多白雲莫教腳一蹉潭州四通館梁間有云蝸角  
名蠅頭利老天術何巧以此役斯世昨日一替死今日  
一替生暗裏換人人不悟門前每日見人行是皆警世  
之辭也

賈師憲越第望海樓成越帥季鏞賦詩爲賀陳宜中時  
爲推官次韻云名與山高千古重恩如海闊一身輕門  
下少年初幕府夢隨諸吏上崢嶸又云功歸再造金甌



好歲已三登玉燭調昨日倚筇平地看一如石壁望松  
寥蓋用太白石壁望松寥宛然在碧霄蓋山名也一時  
人稱其善于押韻自此登師憲之門云

鄧林號謙谷臨川人嘗客孟氏塾戲降紫姑得詩云隔  
溪雲薄雨飄蕭欲采荷花不見橋釵卜無憑芳信杳酸  
風空度鳳臺簫時有三鄧林其一括人其一臨江人嘗  
入館

廣德村寺壁間有四明王暨文昌題云奔馳塵土何時  
了自歎一官如蟻小半夜覓宿僧家園夢裏聞鴉霜月

曉暨時爲邑尉後尉天台張汝鐸俞仲次韻云世事反  
觀俱了了鸚鵡何大亦何小木人起舞中郎拍問著木  
人應不曉二詩皆可錄

德壽宮于吳中得一蟠松虬枝夭矯清蔭數畝思陵嘗  
御製贊云天錫端木得自嶽岑枝蟠數萬幹不倍尋怒  
騰龍勢靜奏琴音凌寒鬱茂當暑陰森封以腴壤邇以  
碧潯越千萬年以慰我心周益公翰苑作端午帖子云  
聞道天公近効奇澗松特長萬年枝蜿蜒正作祥龍舞  
移得清陰覆玉墀正謂此也



田錫表聖太宗朝為翰苑有咸平集中多佳語如磬韻似煙和燭裊松聲如雨入牕流行色迎秋清似畫別情因景化為詩秋色數行江上鴈殘陽一簇渡頭人詠挑燈杖云自知不是明時用爛額焦頭力漫多賦楊花云乍如亂峰之下落泉飛練噴嵐灑煙沫花相濺政自不凡也

周漢國公主下降撒帳詩云靜夜無雲惟自照鳳凰飛入合歡宮蓋用王昌齡青鸞飛入合歡宮紫鳳銜花出禁中之句然西都賦云後宮則有增城合歡殿名也

丁大全丞相謫嶺外至藤州溺死三山林桂龍以詩嘲之曰一棹中流欠把持偏輕偏重失便宜孤舟不是無人渡身作風波問阿誰移溪實壑誤明君驚動沿江十萬軍幸是不沈湘水死有何面目見靈均稚子如何濟急流一篙才錯便難收當初把作尋常看豈料中流解覆舟

韓子蒼挽中山韓帥云金絮盟猶在灰釘事已新

案中  
山原

本誤作中小今據  
韓駒陵陽集校正後村以為語妙而意婉蓋宣靖之禍

自滅遼取燕始上句指韓下句指童蔡也又梁徐勉以



時人聞喪事相尚以速勉上疏云屬纊才畢灰釘已具又陳徐陵遺楊遵彥書云若鄙諺爲繆來旨必通分請灰釘甘從斧鉞不特出前書也

近歲浙右洊水田野流離可念震澤小寺壁間一詩云民力久已竭天乎不見憐三年兩遭水十室九無煙田沒官徵賦家貧子賣錢秋風江上路忽見渡江船真不減聶夷中也

天台趙與儀英可嘗夢賦落梅詩僅記一聯云溪月涵虛影山雲護斷香莫知何祥後爲豐儲倉監獲四刻後

吳益尹京辟之爲屬遂與合尖脫選蓋吳尹自號雲山于是護香之句遂驗

李仁甫十八歲爲眉州解魁時第二人史堯弼字唐英方十四歲人疑其文未工也赴鹿鳴燕猶著粉紅袴太守命坐客分韻賦詩唐英得建字卽席援筆立成有云四歲尚少房立齡七步未饒曹子建後爲張魏公客不幸早世

鄭安挽丞相曾詠云如蠶吐緯日縈纏出沒無蹤屋漏邊懷毒滿身如蝎犬漫張羅網欲漫天蓋爲諸璫發也

安晚乃鄭清之號也換字說



蘇拯詩云映日張網羅遮天亦何別倘居要地間害物  
可堪說風人詠物大率相類

東萊呂舍人贈林少穎李迂仲詩云嘗聞安身要其本  
在無競自註云王輔嗣易解云安身莫若無競修己莫  
若自保守道則福至求福則辱來此格言也

小小園林矮矮屋一日房錢一貫足官至正郎子讀書  
一妻一妾常和睦此詩張卿所作張仕至棘卿與史彌  
遠不合遂不復出矣

蔡元長嘗闕便坐曰南軒有獻詩者曰此軒端的向南  
開上下東西總不該更有一般堪愛處北風偏向後門  
來人號爲貼題詩

宣和間教坊大使袁禔應制詩云金瓶芍藥三千朶玉  
軸琵琶四百弦可謂盛矣

呂之鵬密縣人申公之裔也大金宣宗頻年南伐因作  
詩撼主兵者云縫掖無由掛鐵衣劔花生澀馬空肥燈  
前草就平南策一夜江神涕泣歸其自負如此

縉雲有掘地得碑石篆書公子行云少年公子出皇都  
勒馬途中倒玉壺卻問路傍耕稼者夜來風雨損花無



並無歲月姓氏

黃伯樞榮仲讀馬援傳詩云後車薏苡落讒人珠貝文

犀竟失真馬革裹尸猶不恨何須勝瘴與輕身

近世趙汝淳讀夷堅志詩云千古丘明法度書豕啼蚩

鬪禾為誣後來更有無窮事付與蘭臺鬼董狐用干寶

事甚佳

曾繹仲成詩云已無醜扇几邊亂空見春鉏天際飛爾

雅醜扇蠅也釋云醜類也青蠅之類好搖翅自扇

案爾雅者醜醜蠅醜奮強醜均蠶醜蠶蠅醜扇俱以醜字為句今曾詩未明句讀密又顛倒本文均誤

韓平原用事時華岳子西為武學生嘗獻詩云漢地不

埋王莽骨唐天難庇祿山軀韓怒羈管建寧有詩號翠

微集大抵皆麤惡語

詩家謂誠齋多失之好奇傷正氣若梅子流酸軟齒牙

芭蕉分綠與牕紗日長睡起無情思閒看兒童捉柳花

極有思致誠齋亦自語人曰工夫只在一捉字上

魏華父墨梅詩素王本自難淄涅墨者胡為亂等差玄

裏只知揚子白皜中謾見聖人汗鶴山又有東西日月

自來往遑卹人間有喘牛之句亦佳



姚翻詩云臨妝欲含涕羞畏家人知還將粉中絮擁淚

不教垂卽今粉撲也

案玉臺新詠載此詩還將作還持不教作不聽與此有異

太平吟云紛紛紅紫已成塵布穀聲中夏令新夾路桑

麻行不盡始知身是太平人此可謂善狀太平氣象勝

于誠齋太平不在簫韶裏只在諸村打稻聲之句

盱人王勝之詩云蛙鼓鳴時月滿川斷螢飛處草迷煙

敲門欲向田家宿猶有青燈人未眠殊有思致

有為竹枕作銘云珊瑚枝琥珀盤流蘇帳暖驂飛鸞莫

忘此君同歲寒亦佳語也

后山仰看一鳥過虛負百年身極有深意

案陳師道次韻秦少游春

江秋野圖詩作倏看雙鳥下已負百年身任淵注本亦同此所引疑有誤

周茂振樞密詩云醉倒不辭花面笑詩成親傍竹身題

竹身二字甚新

端平甲午入洛之役二趙喪師時劉子澄實主帷幄之

籌遂坐貶封川意不復用趙仲之死子澄以詩哭之云

功名翻覆等南柯雲掩新阡長薜蘿千載只憑公論去

百年無奈世情何高光時節經營易晉宋人才隱逸多

入汴老賓猶坐謫餘生只合理煙蓑



吳白字少白豪逸負氣詩文立成嗜酒窮空晚為僧于  
 廣化寺時籍中有楊韻者能小詩善墨竹一日諸公會  
 飯少白持白紈扇楊為作小枝于上少白即題一絕云  
 風枝露葉有餘清轉盼還從玉筍生願得此君長在眼  
 子猷雖老未忘情

賈師憲甲戌歲寒食日絕句云寒食家家插柳枝留春  
 春亦不多時人生有酒須當醉青豕兒孫幾箇悲明年  
 師潰身殞遂成惡讖

紹興己巳南郊禮成思陵御製詩以賜云清壇祇謁禮

郊丘輔相賢勞共款留初訝密雲低覆冒遽看霽景上

飛浮氣回俎豆羣工泰喜入貔貅萬馬秋赫赫天心允

昭格協謀同德賴嘉猷

案以下十九條有詩無話  
係原本脫落今附卷後

山寺詩村南村北雨催耕布穀聲聲不住聽水入野田

分井字山藏小寺只單丁傍花飛去禽身白帶土移栽

樹腦青絕頂虬松高百尺已經千歲長菟苓

案原本下  
有久知老

去安庚甲堪笑官忙縛卯申二句  
與此詩語意不倫今據文義刪去

哀扇工歌某州竹扇名字著織扇供官困追捕使君開

府未浹旬欲戴綸巾揮白羽新模巧製旋剪裁百中無



一申程度犀革鐫柄出蟲魚麝煤熏紙生煙霧叢山老  
 姥羞翰墨漢宮佳人掩紈素衙內白取知何名帳下雄  
 拏不知數供輸不辦筆楚頻一朝赴水將誰訴使君崇  
 重耳不聞嗚呼何以慰黎庶聞道園家賣菜翁又說將  
 頭打漁戶號令亟下須所無官不與錢期限遽歸來痛  
 哭辭妻兒宿昔投繯掛枯樹一雙婉婉良家子吏兵奪  
 取名為顧弟兄號叫鄰里驚兩家吞聲喪其嫗死者已  
 矣可奈何冤魂成羣相號呼殺人縱慾勢位尊貪殘無  
 道天所怒邦人蓄憤不敢言君其拊馬章臺路

案周煇清波別

志載此詩作無名氏哀扇工歌首句某州作黃州陳振  
 孫書錄解題載沈作喆以悲扇工詩忤魏良臣疑卽作  
 喆之詩煇密均偶  
 未攷寓山集也

次張斗南韻云路穿厓曲幾回環天地為鑪不掩關守  
 分固于貧亦樂任緣或以倦知還門前認取朝宗水屋  
 上元非捷徑山若欲結茅相共住雲根可著兩三間

詩原本失  
 載姓名

案此

葉正則題孫季蕃詩云子美太白常住世佳人栩栩夢  
 魂通瀉落天河澆汝舌移來不周盪爾胸千家錦機一  
 手織萬古戰場兩峯直孰南孰雅喚莫前虛簫浪管生



寒煙

劉潛夫使廣日經過惠州六如亭有詩云吳兒解記真  
 娘墓杭俗猶存蘇小墳誰與惠州耆舊記可無坏土覆  
 朝雲于是郡守與之修墓立碑文題云昔人喜說墜樓  
 姬前輩尤高斷臂妃肯伴主翁來過嶺不妨扶起六如  
 碑

雨晴俱見後村集觀  
 次首下自注墓即後村  
 雨情如詩云不妨扶起  
 六如碑非指他人語明  
 甚

天竺道間詩云西山多雨長灘聲更愛春禽百樣鳴石  
 罅暖煙飛不起日高鞭影未分明  
 七夕詩銀河如練月如鉤照見千家乞巧樓野老平生

事事拙蒲團又過一年秋銀河清淺界煙霄欲渡何須  
 烏鵲橋今我去家千里遠卻憐牛女會今宵  
案此詩原  
 本失載姓  
 名

史達祖清明詩一百六朝花雨過柳梢猶爾病春寒晉  
 官今日炊煙斷併著新晴看牡丹宮燭分煙眩曉霞驚  
 心知又度年華榆羹杏粥誰能辦白採庭前薺菜花  
 鄭如幾維心亦雪人與葉少蘊唱和有看朱成碧醉中  
 眼施粉太白尊前人之句  
案此條前當別論雪人故  
 此云亦雪人傳寫佚脫  
 林曾溪上謠云溪翁兒女枕溪住時把釣竿倚芳樹沈



吟獨坐忽傷心釣得魚來放將去

近北客有題襄漢詩云襄漢雲屯十萬兵習池醪酎不曾醒紛紛誤管皆渠輩不特王家一寧馨

范至能嘲蚊語云沈酣尻益高飽暖腹漸急晶晶紫蟹眼滴滴紅飯粒

李龔賦青城山陷詩云蜀道天收碧落鍾六丁移路鑿蠶叢飛山夜挾風雷沒愁殺江南鬼五通

林曾泗州詩魚頭紅結魷土面白生硝

王予可賦凌霄詩云啼鳥倒銜金羽舞驚蛇斜傍玉簾

飛

題靈隱寺詩云遊山無處浣塵埃出郭尋幽入翠苔衆水盡從雙澗去一峯元自五天來行春人散題名在坐夏僧閒聽講回清磬一聲猿鳥寂石楠花落滿經臺放翁理詩云萬物元須一理通長生極治本同功廣成千歲無他術祇在唐虞二典中

涪翁愛竹詩云野次小崢嶸幽篁相衣綠牧童三尺筆御此老殼鯨竹吾甚愛之無使牛礪角牛礪角尚可牛鬪殘我竹



桃紅淨山雨乾褐翅鬼蛾粘石闌厓根薜荔絡陰土春  
 草自綠麒麟寒時思堂前滿牀笏牛眠岡頭空白骨急  
 呼斗酒澆淚痕頭上飛光出還沒

案此詩失載姓名併佚原題

浩然齋雅談卷中

浩然齋雅談卷下

宋

周

密

撰

別為一條

樂天有感石上舊字詩云太湖石上鐫三字十五年前  
 陳結之蓋其妾桃葉也自昔未有以家妓字鐫石者劉  
 過改之嘗遊富沙與友人吳仲平飲于吳所歡吳盼兒  
 家嘗賦詞贈之所謂雲一窩玉一梭淡淡衫兒薄薄羅  
 輕鬢雙黛蛾盼遂屬意改之吳憤甚挾刃刺之誤傷其  
 妓遂悉繫有司時吳居父為帥改之以啓上之云韓擒  
 虎在門顧麗華而難戀陶朱公有意與西子以偕來居



父遂釋之然自是不復合矣改之有春風重到憑闌處  
腸斷粧樓不忍登蓋爲此耳

楊韻除夕詞一枝春云竹爆驚春競喧闐夜起千門簫  
鼓流蘇帳掩翠鼎暖騰香霧停杯未舉奈剛要送年新  
句應自有歌字清圓未誇上林鶯語從他歲窮日暮縱  
閒愁怎減劉郎風度屠蘇辦了迤邐柳吹梅妬宮壺未  
曉早騎馬繡車盈路還又把月夕花朝自今細數又羅  
希聲孫化翁所書除夕一詞云小童教寫桃符道人還  
了常年例神前竈下祓除清淨獻花酌水禱告些兒也

都不是求名求利但吟詩寫字分數上面畧精進儘足  
矣飲量添教不醉好時節逢場作戲驅儻爆竹軟飴酥  
豆通宵不睡四海皆兄弟阿鵲也同添一歲願家家戶  
戶和和順順樂昇平世此集中所無也

臆雲張樞字斗南又號寄閒忠烈循王五世孫也筆墨  
蕭爽人物醞藉善音律嘗度依聲集百闕音韻諧美真  
承平佳公子也予已選六闕于絕妙詞今別見于此戀  
繡衾云屏綃裊潤惹篆煙小牕閒人泥晝眠正雪暖茶  
縻架奈愁春塵鎖鴈絃楊花做了香雪夢化池萍猶汎



翠鈿自不怨東風老怨東風輕信杜鵑清平樂云鳳樓  
人獨飛盡羅心燭夢繞屏山三十六依約水西雲北曉  
奩嬾試脂鉛一綰鸞髻微偏留得宿粧眉在要教知道  
孤眠又木蘭花慢云案花慢二字原本脫今據詞譜增入歌塵凝燕壘又  
軟語在雕梁記剪燭調絃翻香校譜學品伊涼屏山夢  
雲正暖放東風捲雨入巫陽金冷紅條孔雀翠閑綵結  
鴛鴦銀缸燄冷小蘭房夜悄怯更長待采葉題詩含情  
贈遠烟水茫茫春妍尚如舊否料啼痕暗裏浥紅粧須  
覓流鶯寄語爲誰老卻劉郎

謝了梅花恨不禁小樓羞獨倚暮雲平夕陽微放柳梢  
明東風冷眉岫翠寒生無限遠山青重重遮不斷舊離  
情傷春還上去年心怎禁得時節又燒燈此周容子寬  
小重山子寬四明人

秋厓李萊老與其兄篋房競爽號龜溪二隱予已刊十  
二闕于絕妙選矣今復別見倦尋芳云繚牆粘蘚糝徑  
飛梅春緒無賴繡壓垂簾骨有許多寒在寶幄香銷龍  
麝餅鈿車塵冷鴛鴦帶想西園被一程風雨羣芳都礙  
逗曉色鶯啼人起倦倚銀屏愁沁眉黛待拚千金卻恨



好晴難買翠苑歡游孤解珮青門佳約妨挑菜柳初黃  
罩池塘萬絲愁藹點絳唇云綠染春波袖羅金縷雙鷺  
瀾小桃勻碧香襯蟬雲濕舞帶歌鈿閒傍秋千立情何  
極燕鶯塵迹芳草斜陽笛西江月賦海棠云綠凝曉雲  
冉冉紅酣晴霧冥冥銀簪懸燭錦官城困倚牆頭半影  
雨後偏饒豔冶燕來同作清明更深猶喚玉靴笙不管  
西池露冷

案玉靴笙三字未詳其義疑有誤

篔房李彭老詞筆妙一世予已擇十二闋入絕妙詞矣  
茲不重見外可筆者甚多今復摭數首于此惜紅衣云

水西雲北記前回同載高陽伴侶一色荷花香十里偷  
把秋期頻數脆筦排雲輕撓噴雪不信催詩雨碧筩呼  
酒秀牋題徧新句誰念病損文園歲華搖落事與孤鴻  
去露井邀涼吹短髮夢入蘋洲菱浦暗草飛螢喬枝翻  
鵲看月山中住一聲清唱醉鄉知有仙路送客木蘭花  
慢云折秦淮露柳帶明月倚歸船看佩玉紉蘭囊詩貯  
錦江滿吳天吟邊喚回夢蝶想故山薇長已多年草得  
梅花賦了權歌遠和離舷風絃盡入吟篇傷倦客對秋  
蓮過舊經行處漁鄉水驛一路聞蟬留連漫聽燕語便



江湖夜雨隔燈前潮返溇陽暗水鴈來好寄瑤牋祝英

臺近云

案祝字原本脫今據詞譜增入

載輕寒低鳴櫓十里杏花雨露

草迷煙縈綠過前浦青青陌上垂楊綰絲搖珮漸遮斷  
舊曾吟處聽鶯語吹笙人遠天長誰翻水西譜淺黛凝  
愁遠岫帶眉嫵畫闌閒倚多時不成春醉趁幾點白鷗  
歸去清平樂云合歡扇子撲蝶花陰裏半醉海棠扶半  
起淡日秋千閒倚寶箏彈向誰聽一春能幾番晴帳底  
柳綿吹滿不教好夢分明章臺月云露輕風細中庭夜  
色涼如水荷香柳影成秋意螢冷無光涼入樹聲碎玉

簫金縷西樓醉長吟短舞花陰地素娥應笑人憔悴漏  
歇簾空低照半床睡又青玉案云楚峰十二陽臺路算  
只有飛紅去玉合香囊曾暗度榴裙翻酒杏簾吹粉不  
識愁來處燕忙鶯懶青春暮蕙帶空留斷腸句草色天  
涯情幾許荼蘼開盡舊家池館門掩風和雨又張直夫  
嘗爲詞敘云靡麗不失爲國風之正閑雅不失爲騷雅  
之賦摹擬玉臺不失爲齊梁之工則情爲性用未聞爲  
道之累樓茂叔亦云裙裾之樂何待晚悟筆墨勸淫咎  
將誰執或者假正大之說而掩其不能其罪我必焉雖



然與知我等耳

三十年前愛買劍買書買畫凡幾度詩壇爭敵酒兵爭  
霸春色秋光如可買錢慳也不曾論價任麤豪爭肯放  
頭低諸公下今老大空嗟訝思往事還驚詫是和非未  
說此心先怕萬事全將飛雪看一間且問蒼天借樂餘  
齡泉石在膏肓吾非詐此西里趙希邁滿江紅也

清源張涅所賦祝英臺近云一番風連夜雨收拾做春  
暮豔冷香銷鶯燕慘無語曉來綠水橋邊青門陌上不  
忍見落紅無數怎分付獨倚紅藥欄邊傷春甚情緒若

取留春欲去去何處也知春亦多情依依欲住子規道  
不如歸去

楊纘字嗣翁號守齋又稱紫霞本鄱陽洪氏恭聖太后  
姪楊石之子麟孫早夭遂祝爲嗣時數歲往謝史衛王  
王戲命對云小官人當上小學卽答云大丞相已立大  
功衛王大驚喜以爲遠器公廉介自將一時貴戚無不  
敬憚氣習爲之一變洞曉律呂嘗自製琴曲二百操又  
常云琴一絃可以盡曲中諸調當廣樂合奏一字之誤  
公必顧之故國工樂師無不嘆服以爲近世知音無出



其右者任至司農卿浙東帥以女選進淑妃贈少師所  
度曲多自製譜後皆散失今書一闕于此被花惱云疎  
疎宿雨釀寒輕簾幃靜垂清曉寶鴨微溫瑞煙少簷聲  
不動春禽對語夢怯頻驚覺欹珀枕倚銀屏半窻花影  
明東照惆悵夜來風生怕飛香濕瑤草被衣便起小徑  
曲廊處處都行到正蜂癡蝶綵戀芳妍怎奈向平生被  
花惱驀忽地省得而今雙髻老

徐愛山堪舉二闕亦佳小重山云鼓報黃昏禽影歇單  
衣猶未試覺寒怯塵生錦瑟可曾闕人去也閒過好時

節對景復愁絕東風吹不散髻邊雪些兒心事對誰說  
眠不得一枕杏花月謁金門云休只坐也去看花則箇  
明日滿庭紅欲墮花還愁似我索性癡眠一和憑箇夢  
兒好做杜宇不知春已過枝頭聲越大亦不知爲何人  
作也

謁金門云人病酒生怕日高催繡昨夜新翻花樣瘦旋  
描雙蝶湊慵凭繡床呵手卻說新愁還又門外東風吹  
綻柳海棠花厮勾踏莎行云照眼菱花剪情菰葉夢雲  
吹散無蹤跡聽郎言語識郎心當時一點誰消得柳暗



花明螢飛月黑臨牕滴淚研殘墨合懽帶上舊題詩如  
今化作相思碧此二詞並見趙聞禮約月集然集中大  
半皆樓君亮施仲山所作安知非他人者

翁元龍字時可號處靜與吳君特爲親伯仲作詞各有  
所長世多知君特而知時可者甚少予嘗得一編類多  
佳語已刊于集矣今復摭數小闕于此江城子云一年  
簫鼓又疎鐘愛東風恨東風吹落燈花移在杏梢紅玉  
靨翠鈿無半點空濕透繡羅弓燕魂鶯夢漸惺鬆月簾  
櫳影迷濛催趲年華都在艷歌中明日柳邊春意思便

不與夜來同立春西江月云畫閣換粘春帖寶箏拋學  
銀鈎東風輕滑玉釵流織就燕紋鶯繡隔帳燈花微笑  
倚牕雲葉低收雙鴛刺罷底尖頭剔雪閒尋荳蔻賦茱  
莉朝中措云花情偏與夜相投心事髩邊羞薰醒半床  
涼夢能消幾箇開頭風輪慢卷冰壺低架香霧颼颼更  
著月華相惱木犀淡了中秋巧夕鵲橋仙云天長地久  
風流雲散惟有離情無算從分金鏡不曾圓到此夜年  
年一半輕羅暗網蛛絲得意多似粧樓針線曉看玉砌  
淡無痕但吹落梧桐幾片又如拗蓮牽藕線藕斷絲難



斷彈水沒鴛鴦教尋波底香真花間語也

宋謝太后北觀有王夫人題一詞于汴京夷山驛中云  
太液芙蓉渾不似舊時顏色曾記得春風雨露玉樓金  
闕名播蘭馨妃后裏暈潮蓮臉君王側忽一聲鼙鼓揭  
天來繁華歇龍虎散風雲滅千古恨憑誰說對山河百  
二淚盈襟血客館夜驚塵土夢宮車曉碾關山月問姮  
娥于我肯從容同圓缺文宋瑞丞相和云燕子樓中又  
捱過幾番秋色相思處青春如夢乘鸞仙闕肌玉暗銷  
衣帶緩淚珠斜透花鈿側最無端蕉影上牕紗青燈歇

曲池合高臺滅人間事何堪說向南陽阡上滿襟清血  
世態便如翻覆手妾身元是分明月笑樂昌一段好風  
流菱花缺又代王夫人再用韻云試問琵琶胡沙外怎  
生風色最苦是姚黃一朶移根丹闕王母歡闌瑤宴罷  
仙人淚滿金盤側聽行宮半夜雨淋鈴聲聲歇綵雲散  
香塵滅銅駝恨那堪說想男兒慷慨嚼穿齧血回首昭  
陽辭落日傷心銅雀迎新月算妾身不願似天家金甌  
缺鄧光薦和云王母仙桃親曾醉九重春色誰信道鹿  
銜花去浪翻鰲闕眉鎖姮娥山宛轉髻梳墜馬雲欹側



恨風沙吹透漢宮衣餘香歇霓裳散庭花滅昭陽燕應  
難說想春深銅雀夢殘啼血空有琵琶傳出塞更無環  
佩鳴歸月又爭知有客夜悲歌壺敲缺

御風來翠鄉深處連天雲錦平遠臥遊已動蓬舟興那  
在芙蓉城畔巾嬾岸任壓頂嵯峨滿髻絲零亂飛吟水  
殿載十丈青青隨波弄粉菰雨淚如霰斜陽外也有仙  
粧半面無言應對花怨西湖千頃腥塵暗更憶鑑湖一  
片何日見試折藕占絲絲與腸俱斷遐征漸倦當潁尾  
湖頭綠波彩筆相伴老坡健此劉闌養原遊天台鴈蕩

當作瀾天台人見絕  
妙好辭

東湖所賦買陂塘詞絕筆也哀哉

薛梯飈長短句予嘗收數闕于絕妙詞今復得其醉落  
魄云單衣乍著滯寒更傍東風作珠簾壓定銀鉤索雨  
弄初晴輕旋玉塵落花唇巧借粧梅約嬌羞纔放三分  
萼樽前不用多評泊春淺春深都向杏梢覺

章牧之謙亨嘗為浙東憲風采為一時所稱然醞藉滑  
稽嘗賦守歲小詞云團欒小酌醺醺醉厮捱著沒人肯  
睡呼盧直到五更頭便鋪了粧臺梳洗庭前鼓吹喧人  
耳驀忽地又添一歲休嫌不足少年時有幾多少老如

少字疑衍此詞名步  
騫宮前園末云便鋪



了妝甚梳洗字數  
已相同也

泠然齋牙詩

卷一

王福清校

我底

金貞祐中太原已受兵人情洶洶忽有書一詞于府治  
宣詔亭壁間云并州霜早禾黍離離成腐草馬困人疲  
惟有郊原雀鼠肥分明有路好逐衡陽征鴈去鼓角聲  
中全晉山河一半空蓋鬼詞也

淳祐間丹陽太守重修多景樓高宴落成一時席上皆  
湖海名流酒餘主人命妓持紅牋徵諸客詞秋田李演  
廣翁詞先成衆人驚賞爲之閣筆其詞云笛叫東風起  
弄尊前楊花小扇燕毛初紫萬點淮峯孤角外驚下斜

陽似綺又婉婉一番春意歌舞相繆愁自猛捲長波一  
洗空人世間熱我醉時耳綠蕪冷葉瓜洲市最憐予洞  
簫聲盡闌干獨倚落落東南牆一角誰護山河萬里問  
人在玉關歸未老矣青山燈火客撫佳期漫灑新亭淚  
歌哽咽事如水

古詞有元夕望遠行又還到元宵臺榭記輕衫短帽酒  
朋詩社爛漫向羅綺叢中馳騁風流俊雅轉頭是三十  
年話量減才慳自覺是歡情衰謝但一點難忘酒痕香  
帕如今雪鬢霜髭嬉遊不忤深夜怕相逢風前月下翁



賓陽謂是孫季蕃詞然集中無之

翁孟寅賓陽嘗遊維揚時賈師憲開帷閫甚前席之其  
歸又置酒以餞賓陽卽席賦摸魚兒云捲西風方肥塞  
草帶鉤何事東去月明萬里關河夢吳楚幾番風雨江  
上路二十載頭顱凋落今如許涼生弄塵歎江左夷吾  
隆中諸葛談笑已塵土寒汀外還見來時鷗鷺重來應  
是春暮輕裘峴首陪登眺馬上落花飛絮拚醉舞誰解  
道斷腸賀老江南句沙津少駐舉目送飛鴻幅巾老子  
樓上正凝佇師憲大喜舉席間飲器凡數十萬悉以贈

之

宣和中李師師以能歌舞稱時周邦彥爲太學生每遊  
其家一夕值祐陵臨幸倉卒隱去旣而賦小詞所謂并  
刀如水吳鹽勝雪者蓋紀此文事也未幾李被宣喚遂  
歌于上前問誰所爲則以邦彥對于是遂與解褐自此  
通顯旣而朝廷賜酺師師又歌大酺六醜二解上顧教  
坊使袁禔問禔曰此起居舍人新知潞州周邦彥作也  
問六醜之義莫能對急召邦彥問之對曰此犯六調皆  
聲之美者然絕難歌昔高陽氏有子六人才而醜故以



比之上喜意將留行且以近者祥瑞沓至將使播之樂府命蔡元長微叩之邦彥云某老矣頗悔少作會起居郎張果與之不咸廉知邦彥嘗于親王席上作小詞贈舞鬟云歌席上無賴是橫波寶髻玲瓏歆玉燕繡巾柔膩掩香羅何況會婆婆無箇事因甚斂雙蛾淺淡梳粧疑是畫惺鬆言語勝聞歌好處是情多爲蔡道其事上知之由是得罪師師後入中封瀛國夫人朱希真有詩云解唱陽關別調聲前朝惟有李夫人卽其人也

何籀作宴清都有天遠山遠水遠人遠之語一時號爲何四遠然前是宋景文出知壽春過維揚賦浪淘沙近留別劉原父云少年不管流光如箭因循不覺韶光換至如今始惜月滿花滿酒滿扁舟欲解垂楊岸尚同歡宴日斜歌闋將分散倚闌遙望天遠水遠人遠籀蓋用此也

王藻有別詞云玉東西歌宛轉未做苦離調著上征衫字字是愁抱月寒髻影刁蕭柁樓開纜記柳暗乳鴉啼曉短亭草還是綠與春歸羅屏夢空好燕語難憑憔悴未渠了可能妬柳羞花起來渾嬾便瘦也教春知道



嘗得題壁生查子云愁盈鏡裏山心疊琴中恨露濕玉  
欄秋香伴銀屏冷雲歸月正圓鴈到人無信孤損鳳凰  
釵立盡梧桐影蓋魏子敬之詞也

汪彥章舟行汴河見傍岸畫舫有映簾而窺者止見其  
額賦詞云小舟簾隙家人半露梅粧額綠雲低映花如  
刻恰似秋宵一半銀蟾白蓋以月喻額也辛幼安嘗有  
句云聞道綺陌東頭行人曾見簾底纖纖月則以月喻  
足無乃太媠乎

周美成長短句純用唐人詩句如低鬟蟬影動私語口  
脂香此乃元白全句賀方回嘗言吾筆端驅使李商隱  
溫庭筠常奔走不暇則亦可謂能事矣

據抱經先生校本移錄一過

癸未五月十四日沅州雲巖山館記



浩然齋雅談

卷下

王福清校

浩然齋雅談卷下





